

RESOLUCIÓN DE 29/07/2016 POLA QUE SE ESTABLECEN AS BASES REGULADORAS E A CONVOCATORIA DUN CONTRATO DE ACCESO AO SISTEMA ESPAÑOL DE CIENCIA, TECNOLOXÍA E INNOVACIÓN PARA O DESENVOLVEMENTO DO PLANO ESTRATÉXICO DO CAMPUS INDUSTRIAL DE FERROL

A Universidade da Coruña e a Consellería de Cultura, Educación e Ordenación Universitaria impulsan, de maneira conxunta, unha acción de captación de talento, no marco do Convenio de colaboración existente entre ambas para a actuación nos centros e unidades de transferencia tecnolóxica e no Campus industrial de Ferrol, que se alíña con un dos eixos estratéxicos do H2020 da Unión Europea, para acadar unha economía intelixente, sustentable e integradora, baseada na investigación, o desenvolvemento e a innovación.

Unha parte importante das actuacións que se queren potenciar no campus Universitario de Ferrol xira arredor do mar e da explotación sostible dos recursos mariños, con un particular interese nas comunidades de organismos costeiros de excepcional valor biolóxico que poidan ver comprometida a súa conservación de maneira irreversible por unha explotación inadecuada.

Entre as medidas de desenvolvemento do Plan Estratéxico do Campus Industrial de Ferrol se inclúe a de establecer unha Oficina do Campus Industrial, onde se apoién e se realicen actividades colaborativas cos grupos de investigación (medida 28), e se establezan as necesarias sinerxias cos investigadores. Así neste programa ofrécese a posibilidade de que investigadores cunha traxectoria destacada podan desenvolver o seu labor investigador na nosa Universidade.

Bases da convocatoria

A. Obxecto

O obxecto da presente convocatoria é a contratación, en réxime de concorrência competitiva e aplicando os principios de publicidade e obxectividade, dun/ha doutor/a ao abeiro do artigo 22 da Lei da Ciencia (Lei 14/2011, do 1 de xuño) para a súa incorporación a un grupo de investigación do catálogo da UDC, onde desenvolverá o seu labor investigador, que deberá orientarse prioritariamente ao estudo de comunidades biolóxicas das costas galegas que unan a súa importancia económica un interese científico salientable, en termos da súa inclusión na directiva de hábitats da Unión Europea (red Natura 2000).

B. Contía, duración e características

a) O contrato será por dous anos, sen posibilidade de prórroga, por un importe de 36.000 euros anuais, incluíndo neste importe a retribución bruta anual e o pagamento dos custos sociais.

b) A persoa contratada recibirá unha axuda complementaria para o establecemento dunha liña propia de investigación, por un importe de 8.000€ anuais (Anexo II).

A persoa seleccionada será contratada ao abeiro do artigo 22 da *Ley 14/2006, 1 de xuño de la Ciencia, la Tecnología y la Innovación* (contrato de acceso ao sistema español de ciencia, tecnoloxía e innovación), e poderá prestar colaboración complementaria en tarefas docentes relacionadas coa actividade de investigación proposta, ata un máximo de 80 horas anuais, previo acordo co departamento implicado, coa aprobación da entidade para a que presta servizos, e con sometemento á normativa vixente de incompatibilidades do persoal ao servizo das Administracións Públicas.

Unha vez rematado o contrato, a Universidade da Coruña someterá a avaliación a actividade investigadora desenvolvida pola persoa contratada. A avaliación terá en conta criterios de excelencia e contará con un

informe externo realizado pola *Agencia Nacional de Evaluación y Prospectiva* (ANEP), que terá carácter vinculante, aos efectos sinalados nos apartados 3 e 4 do antedito artigo 22 da *Lei de la Ciencia*.

A dotación deste programa irá con cargo as partidas orzamentarias seguintes:

0900.440097.541A.....72.000 €

0500.541A.649.10.....16.000 €

1. Requisitos dos solicitantes.

As persoas solicitantes deben reunir os seguintes requisitos:

- Estar en posesión do título de doutor/a.
- Ter sido seleccionado para unha universidade do SUG na convocatoria de 2012 da etapa inicial de formación posdoutoral (modalidade A) na área de Ciencias.
- Permanecer no dito programa ata o 1 de abril de 2016.
- Obtiver unha avaliación positiva no dito programa.

2. Formalización das solicitudes

O prazo de presentación de solicitudes será de 5 días naturais a contar do día seguinte á publicación no Taboleiro Electrónico Oficial da Sede Electrónica da UDC (a urxencia do prazo débese ao inminente inicio das actividades do Campus Industrial de Ferrol).

A presentación das solicitudes realizarase en calquera dos Rexistros da UDC (incluíndo o da Sede electrónica da UDC: https://sede.udc.gal/services/telematic_register) dirixidos á Vicerreitoría de Política Científica, Investigación e Transferencia.

Deberán achegar xunto co formulario de solicitude (anexo I) a seguinte documentación:

- Fotocopia do DNI ou NIE da persoa candidata a ser destinataria da axuda,
- Copia do título de doutor/a ou da certificación académica onde figure a data de obtención da persoa candidata.
- Certificado da universidade de que a persoa candidata foi contratada ao abeiro do Programa de formación posdoutoral do Plan I2C (convocatoria 2012) e que permaneceu nel ata o 1 de abril de 2016.
- Plan de traballo, asinado pola persoa candidata, das actividades académico-investigadoras que a persoa se propón realizar durante o período de contrato (cunha extensión de 1.200–2.000 palabras).
- Curriculum vitae* (CV) da persoa candidata nun modelo normalizado, que irá acompañado dos documentos xustificativos dos méritos alegados, xunto coas copias de publicacións ou documentos científicos-técnicos, contribucións a congresos, etc. que se citen no CV, que se presentarán constituíndo un único documento pdf precedido dun índice. Sinalaranse de xeito expreso e detallado as melloras no CV durante o tempo de contrato no Programa de formación posdoutoral do Plan I2C.
- Memoria, asinada pola persoa candidata, relativa á actividade investigadora desenvolvida nos anos que foi contratada no Programa de formación posdoutoral do Plan I2C (cunha extensión de 2.000–3.000 palabras). Nesta memoria deberase facer fincapé expreso nos seguintes aspectos:
 - Achegas en forma de artigos orixinais, libros ou capítulos de libros, sobre todo naquelas en que a persoa candidata sexa responsable do traballo ou principal executora. Deberase facer unha breve recensión, de non máis de 500 palabras, da relevancia destas achegas para o obxecto deste contrato.



- f.2 Actividade do candidato dentro do seu grupo de investigación, liñas de traballo e/ou obtención de financiamento en convocatorias públicas competitivas de administración públicas ou entidades privadas, e sinalarase, ademais, o seu grado de participación nelas.
- f.3 Patentes rexistradas.
- f.4 Actividade formativa da persoa candidata, especialmente a relacionada coa formación de doutores e a dirección de teses de doutoramento.

Non axustarse aos termos desta convocatoria, o incumprimento dos requisitos nela establecidos, e/ou ocultación de datos, a súa alteración ou calquera manipulación da información solicitada será causa de inadmisión da solicitude presentada. A presentación da solicitude implica o coñecemento e a aceptación destas bases reguladoras así como o consentimento das persoas participantes aos efectos de publicidade e tratamento dos datos persoais que figuren nelas.

3. Instrución e resolución do procedemento

O vicerreitor de Política Científica, Investigación e Transferencia, nomeará unha comisión de selección que avaliará as solicitudes, integrada polo Adxunto a Investigación da Vicerreitoría de Política Científica, Investigación e Transferencia, que a presidirá, tres profesores/as do Departamento de Bioloxía Vexetal, Bioloxía Animal e Ecoloxía, elixidos/as por sorteo, e o/a director/a de dito Departamento, que actuará como secretario/a.

Unha vez rematado o prazo de presentación de solicitudes, o vicerreitor de Política Científica, Investigación e Transferencia ditará resolución pola que se aprobará a lista provisional de solicitudes admitidas e excluídas. Esta resolución publicarase no Taboleiro Electrónico Oficial da Sede Electrónica da UDC con indicación do prazo no que se poden formular reclamacións ás causas de exclusión.

O feito de figurar na relación de persoas admitidas non prexulgará que se lles recoñeza ás persoas aspirantes a posesión dos requisitos esixidos para a participación no proceso selectivo.

Transcorrido ese prazo sen que se emenden as causas da exclusión, considerárase que a persoa solicitante desiste da súa petición nos termos establecidos no artigo 71 da Lei 30/1992, do 26 de novembro, de réxime xurídico das administracións públicas e do procedemento administrativo común, e se procederá á publicación no Taboleiro Electrónico Oficial da Sede Electrónica da UDC da lista definitiva de persoas admitidas e excluídas.

Para a selección de candidatos terase en conta os seguintes criterios:

- a) Adecuación do CV da persoa candidata e do seu plan de traballo ao obxecto que persegue o contrato (máximo 40 puntos).
- b) Melloras no CV da persoa candidata durante a súa permanencia no Programa de formación inicial da etapa posdoutoral, modalidade A do Plan I2C. (máximo 10 puntos)
- c) Capacidade da persoa para liderar unha liña de investigación: potencialidade da persoa candidata para o liderado de grupos de investigación, establecemento dunha liña propia de traballo e obtención de financiamento en convocatorias públicas competitivas.(máximo 40 puntos).
- d) Capacidade da persoa candidata para cumprir ao final do seu contrato do Plan I2C os criterios dos anexos I e II da Resolución do 20 de xullo de 2005 (BOE do 26 de agosto), referidos a toda a carreira investigadora, sen excluír ningún ano de actividade (máximo 10 puntos).

Avaliadas as solicitudes, publicarase no Taboleiro electrónico da sede Electrónica da UDC a resolución definitiva da convocatoria con indicación da persoa seleccionada así como dunha listaxe de agarda ou reserva que relacionará, por orde de prelación segundo a puntuación obtida, as persoas candidatas que, aínda que cumpran os requisitos esixidos por esta convocatoria, non resultasen seleccionados .

Contra o acordo definitivo da comisión de valoración, que esgota a vía administrativa, poderase interpor un recurso de alzada, no prazo de un mes a partir do día seguinte a súa publicación, perante o Vicerreitor de Política Científica, Investigación y Transferencia, segundo o disposto nos artigos 114 e 115 da Lei 30/1992, de réxime xurídico das administracións públicas e do procedemento administrativo común.

O investigador contratado ao abeiro desta convocatoria deberá incorporarse á Universidade da Coruña inmediatamente despois da publicación definitiva de concesión. A data concreta reflectirase nos contratos.

4. Obrigas dos interesados

O beneficiario da axuda comprométese a cumprir coas condición e obrigas establecidas nesta convocatoria e a remitir á Vicerreitoría de Política Científica, Investigación e Transferencia a información que lle sexa requirida tanto no desenvolvemento como na execución do contrato e a axuda complementaria.

Todas as referencias en medios de comunicación, congresos, publicacións,... a que den lugar estas axudas deberán facer mención expresa a súa financiación no marco do Campus Industrial de Ferrol.

A eventual ocultación o falseamento de datos ou o incumprimento das bases desta convocatoria levarán á revogación da axuda e ao reintegro das cantidades indebidamente abonadas.

5. Notificacións

En virtude do previsto no artigo 59.6 da Lei 30/1992 do 26 de novembro, de Réxime Xurídico das Administracións Públicas e do Procedemento Administrativo Común e segundo resulta dos artigos 13 e 14 do Regulamento de creación e ordenación das sede electrónica da UDC publicado no dog nº 241 do 17 de decembro de 2014, as notificacións realizaranse mediante a publicación no Taboleiro electrónico Oficial da sede Electrónica da UDC, surtindo todos os efectos de notificación practicada. Ao efecto, ao cumprimentar a instancia de participación os interesados deberán indicar un enderezo de correo electrónico.

6. Recursos

Contra a convocatoria poderase interpor, potestativamente, recurso de reposición ante o órgano que o ditou, no prazo dun mes, de acordo co disposto nos artigos 116 e 117 da Lei 30/1992, do 26 de novembro, de Réxime Xurídico das Administracións Públicas e do Procedemento Administrativo Común. ou ben directamente recurso contencioso-administrativo no prazo de dous meses, de conformidade co artigo 46 da Lei 29/1998, do 13 de xullo, reguladora da xurisdición contencioso-administrativa.

A Coruña, 2 de agosto de 2016

O reitor (P.A.: RR 12/01/2016)

Julio E. Abalde Alonso (Salvador Naya Fernández)

Anexo I (Formulario de solicitude)

DATOS DA PERSOA CANDIDATA:

Nome e apelidos:

NIF:

Enderezo completo:

Correo electrónico (a efectos de notificación):

Teléfono/s de contacto:

Doutor pola universidade de:

Data de emisión do título de doutor.

Universidade pola que foi contratado posdoutoral:

Rama de coñecemento:

Área temática:

Grupo de investigación no que desenvolverá a súa actividade:

Departamento, unidade de traballo ou equivalente no que se integrará:

Lugar e data

Sinatura da persoa candidata,

VICERREITORÍA DE POLÍTICA CIENTÍFICA, INVESTIGACIÓN E TRANSFERENCIA

Anexo II (Axuda complementaria)

O obxectivo desta axuda complementaria é desenvolver unha liña de investigación propia e será dunha contía de 8.000€ en cada un dos dous anos de contrato.

Os gastos elixibles asociados a esta axuda complementaria son os seguintes:

- a) Pequeno equipamento inventariable e material funxible.
- b) Material bibliográfico, cotas de coloquios e congresos e adhesión a sociedades científicas.
- c) Viaxes e axudas de custo para a actividade obxecto da axuda
- d) Ferramentas de xestión do coñecemento e a información, tales como aplicación informáticas, bases de datos,...